

mee sunt, pars autem fundi dicte curie ad ecclesiam beati petri, et pars quedam ad ecclesiam beati Nicolai dignoscitur pertinere, In dictos autem fratres, dicte curie proprietatem et possessionem, sicut eam possideo, ex nunc transfero totaliter, dans priori et fratribus predicti conuentus sictuniensis liberam potestatem dictam Curiam vendendi et alienandi, pro sue libito uoluntatis, Testes autem huius mee donacionis specialiter uocati et rogati sunt, dominus Johannes de sancto olauo sacerdos, et dominus petrus aliquando curatus in Ekby, et dominus gerika brand, dominus Johannes saxi, In cuius rei testimonium sigillum meum presentibus est appensum, et sigilla dominorum Johannis et petri sacerdotum predictorum, et domini Johannis saxa, et sigillum communitatis sictuniensis presentibus apponi peto, in testimonium rei geste, Actum sictunie, Anno domini .M°. CCC°. IIII°. Quarto Idus Julij.

Sigillen borta, remsorna qvar.

1434.

1304 d. 15 Juli.

Presterskapets och Allmogens på Gottland klagomål hos Ärkebiskopen Nils Alleson öfver de olagligheter, som Biskopen Lars i Linköping och hans tjenare, på många, här uppräknade ställen vid visitation på ön begått.

A. 7. a.

Reuerendo in christo patri ac domino, Nicholao dei gracia archiepiscopo wpsalensi, SENIORES, cleri et populi, terre Gutlandie, Cum omnimoda reuerencia obedienciam tam debitam quam deuotam, Vobis presentibus intimamus, Quod coram nobis constituti parochiani seu patroni ecclesiarum infrascriptarum, terre nostre seu insule, necnon persone quedam singulares, sepius sunt conquesti, dominum Laurencium dei gracia lincopensem episcopum, dum in terra nostra visitacionis officium exercebat, eos et ipsorum ecclesias multipliciter aggrauasse, Quia uidelicet ecclesias, Sancti Clementis in wisby, et fledynge, quas vos cum in predicta terra gutlandie eratis, vestri gracia reconciliastis, Idem dominus L. postmodum ueniens, exegit et accepit pecuniam pro reconciliacione, non a se sed a uobis eisdem ecclesijs prius impensa, Cimiterium ecclesie in alwm, per dicti domini lincopensis famulum seminis effusione pollutum, prout per confessionem solius mulieris constitit, cum qua idem famulus dicitur facinus perpetrasse, prius reconciliare noluit, quam sibi .XII. marche. denariorum ab ecclesia soluerentur, Item in Ekiby. postquam dictus dominus .L. procuracionem a sacerdote

*Sv. Diplom. II.*

54

ibidem receperat, famuli ipsius omnia que de expensis procuracionis remanserant effuderunt. In Sýndru, omnes conuiuas nupciales, cuiusdam consanguinei sui, ad expensas quas sibi racione procuracionis, eiusdem ecclesie sacerdos parauerat inuitauit, In Hýrsne, Garnæ, et Sandum, consecraciones ecclesiarum, altarium, et Cýmteriorum diuisit, ita quod vna die ecclesiam, alia altare, tertia cýmterium dedicauit, in hoc ecclesias expensis, et parochianos incommodis plus solito aggrauando, In thoptu, postquam sacerdotem ibidem ecclesia et bonis omnibus priuauerat, non deductis debitis, nec bonis paternis in fundo ipsius ecclesie, vltra quadrimestre tempus fecit residenciam personalem, obuenciones ipsius ecclesie integre percipiendo, Quapropter vobis vna cum dictis grauatis, quantum possumus supplicamus, quatenus procuratori dictorum grauatorum, presentis portitori, domino Sýmoni. super premissis dei intuitu et nostrarum precum interuentu faciatis fieri iusticie complementum, vt ex defensione eorundem grauatorum sciamus nos cum necesse fuerit ad vos habere refugium speciale, Nos itaque omnia predicta et singula scientes euidencia rei testante sine dubio esse vera, Sigillum terre in premissorum testimonium, presentibus apponi fecimus et annecti, Datum anno domini. M°, C°C°C°. III. ýdus Iulii.

Sigillet borta, remsan qvar.

1435.

1304 d. 24 Iuli.

Arboga.

MAGNUS CARLSSONS Fastebref på det byte, hvarigenom han af Biskop Ysar i Strengnäs erhöill Thegnaby och 80 mark gängse mynt emot sin gård i Eldasund, med tillägg, att Biskopens intill Thegnaby gränsande gård Mundistorps gränser och tillhörigheter derigenom icke rubbas.

A. 3. g.

Omnibus presentes litteras inspecturis, MAGNUS KARLSSON in domino ihesu christo salutem Quoniam ea que rite aguntur, in dubium verti solent et plerumque ab hominum memoria penitus elabi nisi viua voce vel litterarum testimonio sint vallata Notum facimus tam posteris quam modernis quod cum venerabili patre, domino ýsaro, Episcopo strengianensi quoddam feci cambium prediorum, videlicet quod recipiens ab eo curiam quam habuit in thiægnaby cum omnibus suis attinencijs, et octoginta marchas denariorum vsualis monete, Curiam quam habui in Eldæsund cum agris, pratis, siluis piscariis et ceteris pertinentibus ad eandem, Eidem reddidi, et tradidi pleno iure, adiecto, quod curie quam adhuc habet idem dominus strengianensis in mundisthorp, que predictæ curie thiægnaby est contigua, in metis vel possessionibus aliquatinus non derogetur vnde testes et firmarii, qui wlga-